

ՀՍՍՀ ԳԻՏՈՒԹՅՈՒՆՆԵՐԻ ԱԿԱԴԵՄԻԱՅԻՆ ԺՈՂՈՎՈՐԴՆԵՐԻ ԲԱՐԵԿԱՄՈՒԹՅԱՆ ՇՔԱՆՇԱՆԻ ՀԱՆՁՆՈՒՄԸ

1975 թ. սեպտեմբերի 23-ին Ալ. Սպենդիարյանի անվան օպերայի և բալետի ակադեմիական թատրոնում տեղի ունեցավ ՀՍՍՀ ԳԱ հանդիսավոր ժողովը՝ նվիրված ակադեմիային ժողովուրդների բարեկամության շքանշանի հանձնմանը, նախագահությունում էին ընկ. ընկ. Պ. Պ. Անիսիմովը, Գ. Ա. Արզումանյանը, Կ. Ս. Դեմիրճյանը, Վ. Բ. Ղալաբյանը, Լ. Պ. Ղաբրիջանյանը, Հ. Մ. Ոսկանյանը, Մ. Բ. Արզումանյանը, Ն. Վ. Թադևոսյանը:

Հանդիսավոր ժողովը ներածական խոսքով բացեց Գ. Ա. Արզումանյանը, որը հայ գիտնականներին ի սրտե շնորհավորեց կառավարական բարձր պարգևի առթիվ և նրանց ցանկացավ ստեղծագործական հետագա հաջողություններ:

Ժողովի պատվավոր նախագահություն ընտրվեց ՍՍՀԿ Կենտկոմի Քաղբյուրոյն Լ. Ի. Բրեժնևի գլխավորությամբ:

Ձայնը տրվեց ՀԿԿ Կենտկոմի առաջին քարտուղար ընկ. Կ. Ս. Դեմիրճյանին:— Այսօր մենք հավաքվել ենք այս պահից համաժողովրդական ճանաչման ուղիք տալու սովետական գիտնականներին փառապանծ կոհորտաներից մեկին, որն իր արժանի ավանդին է մուծել հայրենական գիտության զարգացման գործում,— ասաց նա: Ընկ. Կ. Ս. Դեմիրճյանը նշեց, որ մեր հանրապետության կազմավորումն ու զարգացումը, նրա սոցիալիստական վերակերտման հրաշքը որ մեր մեծ կուսակցության լենինյան իմաստուն ազգային քաղաքականության վառ օրինակն է, ցայտուն կերպով երևում է Սովետական Հայաստանում գիտության և տեխնիկայի բուռն զարգացման փաստով: Սոցիալիստական Հայաստանի գոյության առաջին իսկ օրերից մեր լենինյան կուսակցությունը հսկայական ուշադրություն էր նվիրում հանրապետությունում գիտության զարգացմանը, գիտատեխնիկական բարձրորակ կադրերի պատրաստմանը: Այդ գործում անգնահատելի դեր խաղացին Ռուսաստանի, Մոսկվայի և լենինգրադի գիտնականներն ու ուսումնական հաստատությունները, որոնք կատարելով իրենց ինտերնացիոնալ պարտքը, Հայաստանի երիտասարդ գիտության համար պատրաստեցին գի-

տական աշխատողների մի ամբողջ համաստեղություն: Հայրենական մեծ պատերազմի ահեղ տարիներին ՀՍՍՀ ԳԱ ստեղծվեց նոր կարևորագույն փուլ եղավ հանրապետությունում գիտության զարգացման գործում, բոլոր պայմանները ստեղծեց նրա բուռն վերելքի համար:— Հայաստանի կոմունիստական կուսակցության Կենտրոնական կոմիտեն,— ասաց ընկ. Կ. Ս. Դեմիրճյանը,— բարձր է գնահատում այն, օր Հայկական ՍՍՀ գիտությունների ակադեմիան հենց սկզբից ձգտել է խելացիորեն և նպատակահարմար ձևով օգտագործել այդ պայմանները:

Այնուհետև նա հանգամանորեն կանգ առավ այն ակնառու հաջողությունների վրա, որ ձեռք է բերել հանրապետության գիտությունների ակադեմիան իր գոյության տարիներին, նշեց նրա աշխատանքներում տեղ գտած թերություններն ու վրիպումները և ցույց տվեց ՀՍՍՀ ԳԱ առաջ ծառացած խնդիրները:

— Թույլ տվեք, թանկագին ընկերներ,— վերջում նշեց ընկ. Կ. Ս. Դեմիրճյանը,— Հայաստանի կոմկուսի Կենտկոմի, հանրապետության Գերագույն սովետի նախագահության և Մինիստրների սովետի անունից, ձեր անունից, Սովետական Հայաստանի ժողովրդի անունից գիտությունների մեր ակադեմիային, Հայաստանի գիտությունների ակադեմիայի ակադեմիկոսներին և թղթակից-անդամներին, ակադեմիայի սիստեմի բոլոր աշխատողներին, ինչպես նաև բոլոր հայ գիտնականներին ջերմորեն և ի սրտե շնորհավորել կառավարական բարձր պարգևով պարգևատրվելու առթիվ և նրանց նորանոր հաջողություններ մաղթել իրենց ոչ դյուրին, բայց ուղիղապես ու ազնիվ գործունեության մեջ, ցանկանալ առողջություն և երջանկություն անձնական կյանքում:

Այնուհետև Կ. Ս. Դեմիրճյանը հրապարակեց ՍՍՀՄ Գերագույն սովետի նախագահության հրամանագիրը՝ Հայկական ՍՍՀ գիտությունների ակադեմիան ժողովուրդների բարեկամության շքանշանով պարգևատրելու մասին և շքանշանն ամրագրեց ՀՍՍՀ ԳԱ դրոշին:

ՍՍՀՄ գիտությունների ակադեմիայի անունից հայ գիտնականներին շնորհավորեց ակադեմիկոս Ն. Ն. Բազդրյանը։ Ակադեմիային կառավարական պարգևի շնորհումը, ասաց նա, վկայում է թե կուսակցությունն ու կառավարությունն ինչպիսի բարձր գնահատական են տալիս Հայաստանի գիտնականների ձեռք բերած մեծ հաջողություններին։

Իր ողջունի խոսքում գիտության բազմաթիվ ընդգնացողներում հայ գիտնականների ձեռք բերած հաջողություններին բարձր գնահատական տվեց Վրացական ՍՍՀ ԳԱ փոխ-պրեզիդենտ, ակադեմիկոս Ե. Կ. Խառաձենի։

Աղբյուրական ՍՍՀ գիտությունների ակադեմիայի անունից ողջունի խոսք ասաց ակադեմիկոս Մ. Ս. Կաշկալը։ Նա հատկապես նշեց երկու եղբայրական հանրապետությունների գիտական կոլեկտիվների միջև անշեղորեն աճող ու ընդլայնվող կապերը, հայ գիտնականների մեծ վաստակը Աղբյուրականի ԳԱ Շամախիի աստղագիտարանի կազմակերպման գործում։

ՀՍՀՄ գիտությունների ակադեմիայի հիմնական ղեկավարների անունից ելույթ ունեցավ ակադեմիկոս Հ. Խ. Բալեխյանը։ Նա ասաց, որ ակադեմիային ժողովուրդների բարեկամության շքանշանով պարգևատրելը հանրապետության գիտնականներին պարտավորեցնում է աշխատել ավելի լավ, ավելի լայնորեն ծավալել տեսական և գործնական կարևոր պրոբլեմների հետազոտությունները։

Հանրապետության գիտությունների ակադեմիայի թղթակից-անդամ Ն. Հ. Առաքելյանն ասաց, որ հայ գիտնականների երիտասարդ սերունդը անկեղծ երախտագիտությամբ է ընկալում այն հսկայական օգնությունը, որ հանրապետության գիտական կոլեկտիվներին մշտապես ցույց է տվել և շարունակում է ցույց տալ ՍՍՀՄ գիտությունների ակադեմիան։

Հանդիսավոր ժողովում ողջունի խոսքով հանդես եկան Վ. Ի. Ինինի անվան էլեկտրամեքենաշինական գործարանի բանվոր, ՍՍՀՄ Գերագույն սովետի դեպուտատ Ն. Ա. Խոլաթյանը, էջմիածնի շրջանի նորակերտ գյուղի սովխոզի դիրեկտոր Ս. Ե. Նազարյանը և Երևանի պետական համալսարանի ասպիրանտ Ա. Ս. Ստեղծնյանը։

Այնուհետև խոսքը տրվեց ՀՍՀՄ գիտությունների ակադեմիայի պրեզիդենտ, սովետական խո-

շորագույն գիտնական, ակադեմիկոս Վ. Հ. Համբարձումյանին։— Բառերով դժվար է հաղորդել այն հուզմունքն ու երախտագիտությունը, որ այսօր, Հայկական ՍՍՀ գիտությունների ակադեմիային ժողովուրդների բարեկամության շքանշան հանձնելու օրը, զգում է նրա կոլեկտիվը,— ասաց նա։— Մեր անսահման շնորհակալությունն ենք հայտնում ՍՄԿԿ Կենտրոնական կոմիտեին, ՍՍՀՄ կառավարությանը՝ Հայաստանում և ամեն մի հանրապետությունում գիտության այս նոր խրախուսման համար, Դա շատ բան է պարտավորեցնում գիտության աշխատողներին։ Մենք շնորհակալություն ենք հայտնում նաև Հայաստանի կոմունիստական կուսակցության Կենտկոմին և հանրապետության կառավարությանը, ակադեմիայի կարիքների նկատմամբ ցուցաբերած մշտական հոգատարության և ուշադրության համար, Կարելի է վստահորեն պնդել, որ մեր ակադեմիայի կյանքի 32 տարում գիտնականների ձեռք բերած ամեն մի նվաճում պայմանավորված է եղել կուսակցության օգնությամբ, իրագործվել է նրա ցուցումների և խորհուրդների հիման վրա։ Իր ելույթի վերջում Վ. Հ. Համբարձումյանը հավաստիացրեց, որ ի պատասխան պատվավոր պարգևի, Հայաստանի գիտնականները պարտավորվում են զհամառաշխատանքով լուծել առաջադրված խնդիրները, արժանավայել դիմավորել հարազատ կուսակցության XXV համագումարը։

Հանդիսավոր ժողովի մասնակիցներն ընդունեցին ողջունի նամակ՝ ուղղված ՍՄԿԿ Կենտրոնական կոմիտեին, ՍՍՀՄ Գերագույն սովետի նախագահությանը և ՍՍՀՄ Մինիստրների սովետին։ Այն ընթերցեց ՀՍՀՄ ԳԱ փոխ-պրեզիդենտ, ակադեմիկոս Ա. Ռ. Հովհաննիսյանը։ Ողջունի նամակում Հայաստանի գիտնականների անունից հարազատ կոմունիստական կուսակցությանը և սովետական կառավարությանը խորին երախտագիտություն հայտնվեց բարձր պարգևի, գիտության զարգացման նկատմամբ ցուցաբերվող հսկայական ուշադրության և հոգատարության համար։

Հանդիսավոր ժողովի մասնակիցները հավաստիացրին, որ Սովետական Հայաստանի գիտնականներն արժանավայել կդիմավորեն ՍՄԿԿ XXV համագումարը, որը կսահմանի մեր հասարակության զարգացման նոր փուլը, կնշի սովետական գիտության առաջադիմության նոր հեռանկարներ։